

MAJLIS PENUTUP KARNIVAL SUKAN PU LABUAN

 airforce.mil.my/berita/berita-dari-pangkalan/4299-majlis-penutup-karnival-sukan-pu-labuan

LABUAN, 28 Dis 18 - Majlis Penutup Karnival Sukan Antara Seksyen Peringkat Pangkalan Udara Labuan bagi tahun 2018 dan Pembukaan Karnival Sukan bagi tahun 2019 telah disempurnakan oleh Komander PU Labuan, Brig Jen Dato' Hj Sardon bin Hassan TUDM di Dewan Mutiara. Majlis ini juga turut diserikan dengan kehadiran Panglima Wilayah Udara 2, Mej Jen Dato' Hj Yazid bin Arshad TUDM.

Majlis ini dimulakan dengan acara senamrobik dan acara larian bersama Panglima Wilayah Udara 2. Bagi menutup tirai Karnival Sukan tahun 2018, satu pertandingan Road Relay telah diadakan melibatkan semua seksyen di PU Labuan. Majlis ini juga turut menyaksikan Cawang Operasi telah dinobatkan sebagai Johan keseluruhan Karnival Sukan bagi tahun 2018.



